

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՈՅԱՏԵՎԱԾ
ՓԱՂԱՔԱԿԱՆ ՄԻԱՎՈՐՈՒՄՆԵՐԻ ՀԱՐՑԻ ԱՌԹԻՎ

ԹԱԳԱԿԻՐ ԻՇԽԱՆԱՎՈՐԻ ՊԱՏԿԵՐԸ
ԼՈՒԻ ԲԵՐԴԻ ԲՐՈՆՁԵԴԱՐՅԱՆ ԲՆԱԿԱՎԱՅՐԻՑ

ՍԵՂԱ ԳԵՎԵՋՅԱՆ


Լոռի բերդի նախնադարյան բնակավայրը (Ստեփանավան քաղաքից 3 կմ հյուսիս-արևելք) գտնվում է դամբարանադաշտից ոչ հեռու, Մխիթանա գետի ձախ ափի բարձրադիր սարահարթի վրա, որտեղ պահպանվել են քառանկյունաձև, հաստահեղույս պատերով կիկլոպյան կառույցների հիմքերը: Բնակավայրում կատարված պեղումները ստուգողական բնույթ են կրել, ուստի մինչ այժմ ուսումնասիրված երեք տներից պեղվել է մեկական սենյակ: Մշակութային շերտի հաստությունն այստեղ 20—50 սմ է, որտեղ խառը վիճակում հանդես են գալիս միջին, ուշ բրոնզի, վաղ երկաթի և երկաթի լայն տարածման ժամանակաշրջանի նյութական մշակույթի մնացորդներ: Սրանց մեջ առկա են նաև ջնարակած խեցեղենի բազմաթիվ բեկորներ, որոնք վկայում են բնակավայրի գոյության մասին նաև միջնադարում: Այս հին բնակավայրը, հավանաբար, Լոռի բերդաքաղաքի թաղամասերից էր:

Վերջին տարիներին պեղված № 3 տան կենտրոնում, մոտ 30 սմ հզորության մշակութային խառը շերտի մեջ, միջին բրոնզեդարյան շատ բնորոշ խեցեղենի շարքում, հայտնաբերվեց նաև սև փայլեցրած մակերեսով ու վարդագույն աստառով խեցու փոքրիկ բեկոր: Սրա վրա փորագրված է մարդկային գլուխ՝ կիսադեմով, որը կրում է վեց սրածայր ատամներ ունեցող ցածր թագ: Թագի վերևում կա եռաթերթ փոքրիկ շուշան. հնարավոր է, որ վերջինս լինի թագի կենտրոնում՝ գագաթին: Մոծրակից իջնում է ճակատին կապված ժապավենը, վիզը բարձր է, գծածակ: Քիթը ընդգծված է, կզակը՝ լայն (գուցե փորիկ մորուքով), շուրթերը թույլ են արտահայտված: Բացառված չէ, որ կավամանի վրա պատկերված լինի ոչ միայն մարդու գլուխը, այլև ողջ հասակով կանգնած անձնավորությունը՝ ծիսական որոշ կեցվածքով (նկ. 1, աղ., նկ. 1): Ակնհայտ է, որ մ. թ. ա. II հազարամյակի 1-ին կեսով թվագրվող սև փայլեցրած (հավանաբար՝ ծիսական) կավամանի վրա փորագրվել է մեծազարմ անձնավորության պատկեր: Նա կարող էր լինել թագավոր, թագակիր իշխան, աստված կամ առնվազն քրմապետ: Վերջինիս օգտին է վկայում, մանավանդ, թագի վրայի շուշանը կամ լոտոսի ծաղիկը, որը բնորոշ էր քրմական դասին: Սա չի բացառում, սակայն, ազնվազարմ անձի գրաված հասարակական-քաղաքական բարձր դիրքը:

Միջին բրոնզեդարյան հուշարձանների վրա մարդկային կերպարանքի պատկերումը պատահականություն չէ: Այսպես, օրինակ, Թոեղքի նշանավոր դամբարանաբլուրներից հայտնաբերված մետաղյա թանկարժեք սպասքի վրա կարելի է տեսնել տոնականորեն հանդերձավորված մարդկանց, որոնք ծիսական երթ կամ արարողություն են կատարում: Նրանք նույնպես ներկայացված են կիսադեմով և դիմակավորված են: Մեզ հետաքրքրում է, սակայն, Լոռի բերդի պատկերի գլխի հարդարանքը՝ թագը, սրածայր ատամներով և թագավորական ժապավենով:

Մ. թ. ա. II հազարամյակում, առաջավորասիական երկրներում, թեև ատամնավոր թագերը շատ տարածված չեն եղել, սակայն դրանք գործածվել են և իրենց նախատիպերն ունեն ավելի վաղ թվագրվող հուշարձաններում: Հատկապես պերճախոս են Միջագետքի վաղ դինաստիական և ակկադական ժամանակաշրջանների գլանաձև կնիքները, որոնց վրա պատկերված առասպելական հերոսներն ու կիսաստվածները հաճախ կրում են ատամնավոր թագ կամ գլը-

խարկ (մ. թ. ա. 2750—2159, աղ., նկ. 2)¹։ Միջագետքի երկրներում շատ տարածված են եղել հատկապես, այսպես կոչված, փետրավոր թագերը, որոնք երևում են մ. թ. ա. III հազարամյակից մինչև մ. թ. ա. I հազարամյակի կեսերը մանր և խոշոր քանդակագործական արվեստի հուշարձանների վրա։ Սրանք շատ մոտ են ատամնավոր թագերին և կարծես թե վերջիններս դրանցից են սերվել։ Սակայն մեր թագին շատ ավելի մեծ նմանություն ունեն Շոշից



հայտնաբերված գլանաձև կնիքի վրայի արական ու իգական աստվածների 5 կամ 6 ատամ ունեցող թագերը՝ ծոծրակին իջնող ապարոշով (մ. թ. ա. 2500, աղ., նկ. 3)²։ Ճակատամասում անկյունավոր զարդեր ունի վաղ բրոնզեդարյան կավե հենակի մարդակերպ քանդակը՝ հայտնաբերված Անտիոքից արևելք գրտ-

¹ В. К. Афанасьева, Гильгамеш и Энкиду, М., 1979, табл. VIIв, табл. XIб. Տե՛ս նաև կից համեմատական աղյուսակը։

² E. Porada, Alt-Iran, Baden-Baden, 1962, S. 31, Fig. 13.

ներվող Թայինաթ գյուղի նախնադարյան բնակավայրի H շերտից (աղ., նկ. 4)³։ Ատամնավոր եզրերով բարձր գլխարկ է կրում նաև Միշագետքի մ. թ. ա. III հազարամյակի վերջի և III հազարամյակի սկզբի ռազմական առաջնորդը (աղ., նկ. 5)⁴։ Ատամնավոր թագերի տարատեսակներ են, այսպես կոչված, ճառագայթաձև թագերը, որ կրում են Թելլոյից հայտնաբերված նոր շումերական ժամանակաշրջանի կանացի արձանիկները (մ. թ. ա. III հազարամյակի վերջ,



նկ. 1

II-ի սկիզբ, աղ., նկ. 6)⁵։ Մեզ հետաքրքրող թագերին համապատասխանող նմուշներ կարելի է տեսնել նաև էգեյան աշխարհում, որոնք ժամանակով էլ մոտ են Լոռի բերդի օրինակին։ Դրանցից է Կնոսոսի հին պալատից գտնված «կառավարիչ» պատկերով կնիքի դրոշմվածքը (աղ., նկ. 7), որ ներկայացնում է ատամնավոր թագով ու դիադեմով մարդու գլուխ (մոտ. մ. թ. ա. 1700 թ.)⁶։ Սրածայր, երկարավուն ատամներով է պսակվում նաև Միքենի շախտային դամբարաններից հայտնաբերված ոսկե դիադեման (մ. թ. ա. XVI դար, աղ. նկ. 8)⁷։

Ավելի կարևոր են, սակայն, խեթական զուգահեռները, որոնք ժամանակի, տերիտորիալ և մշակութային առումով սերտորեն առնչվում են Հայկական լեռնաշխարհին։ Հիթիթների կյանքի ու հավատալիքների բազմազան կողմերի բացահայտման համար անգնահատելի աղբյուր են դրանց պատկերաքանդակները։ Տվյալ դեպքում մեզ հետաքրքրում է մարդկանց ու աստվածությունների հանդերձանքը։ Արիշարում հայտնաբերված խեթական անագե արձանիկների շարքում իշխող դասի ներկայացուցչի կամ աստվածուհու մի արձանիկ կա, որի

³ R. J. Braidwood, L. S. Braidwood, Excavations in the Plain of Antioch, I, Chicago, 1960, fig. 290—2, 291, B—1.

⁴ «История Древнего Востока», М., 1983, с. 321, рис. 94а.

⁵ A. Parrot, Tello, Paris, fig. 49b, H.

⁶ Н. А. Сидорова, Искусство Эгейского мира, М., 1972, с. 76, рис. 69.

⁷ Նույն տեղում, էջ 165, նկ. 176:

գլխարկը ճակատամասում եզերված է սրածայր անկյունաշարով (աղ., նկ. 9)։ Արձանիկները թվագրվում են մոտավորապես մ. թ. ա. II հազարամյակի 1-ին կեսով⁸։ Այսպես-Հուլյուբի բարձրաքանդակներից մեկում (մ. թ. ա. XIV դար)՝ թագավորն ու թագուհին տոնական, ծիսական հանդերձանքով կանգնած են ցուլի պատկերի առջև և զոհ են մատուցում (աղ., նկ. 10)։ Թագավորի ծիսական հանդերձի մասն է կազմում ատամնավոր եզրերով ոչ բարձր գդակը։ Նույն տոնական հագուստներով է պատկերված Թուխալիա IV թագավորը (մ. թ. ա. XIV դար) Շարումա աստծո գրկում՝ Ցազըլը կայայի որմնաքանդակի վրա⁹։ Հստ Արձինբայի, խեթական որոշ ծեսերի ժամանակ թագավորը հանդես էր գալիս աստվածության հանդերձանքով, հետևաբար կատարում էր նրա ֆունկցիան։ Կարծիք կա, որ Թուխալիա IV-ը, դեռևս կենդանության ժամանակ, պաշտվում էր իբրև աստված։ Աստվածների հագուստը, այսպիսով, դառնում էր հիթիթ թագավորների ծիսական զգեստը։ Արարողության ժամանակ քրմերն ու քրմուհիները գլուխները ծածկում էին իրենց հագուստի դունի գլխարկով կամ կրում ժապավեն։ Հիթիթական հին բնագրերից մեկում ասվում է, որ նրանք պսակները հանելիս կապում էին սպիտակ ժապավեն և հագնում սպիտակ զգեստ։ Հագուստի գույնը և նյութը, որով այն պատրաստվել է, խեթերի մոտ ունեցել է սիմվոլիկ նշանակություն։ Մի այլ բնագրում ասվում է, որ թագավորի գլխարկի եղջյուրիկից կապել են կարմիր և սպիտակ բրդից հյուսված երիզ¹⁰։ Դա պարզ երևում է Ադանայի թանգարանում պահվող Փանջուլիից հայտնաբերված բարձրաքանդակի վրա, որտեղ թագավորը պատկերված է սրբազան զոհաբերություն կատարելիս։ Նրա երկարավուն գլխարկի ստորին ու միջին մասում կապված են հյուսված երիզներ, որոնց ծայրերը ոլորված են և իջնում են մինչև ծոծրակն ու գոտկատեղը (աղ., նկ. 11)¹¹։ Սաղավարտից իջնող և մինչև գոտկատեղը հասնող երիզ ունի նաև խաթուշաշի Թեշուբ աստծո կամ թագավորի նշանավոր բարձրաքանդակը (մ. թ. ա. XIV դար, աղ., նկ. 12)¹²։ Ի դեպ, հիշյալ սաղավարտի բաղկացուցիչ մասը կազմող ալտակալներն ու վրդկալը, ինչպես իրավամբ նկատում է Գ. Տիրացյանը, ավանդաբար փոխանցվել են աքեմենյան փոքրասիական ասորապների գլխարկներին և հայկական Արտաշեսյան հարստության թագավորների թագին (աղ., նկ. 20)։ Նա նշում է նաև, որ հայ թագավորները, ի տարբերություն աքեմենյանների, թագի վրայից կապում էին նաև ժապավեն կամ դիագեմա, որ հանգուցվում և կախվում էր ծոծրակից¹³։ Նման թագեր էին կրում նաև Սոփի թագավորները, որը հայտնի է ըստ մեզ հասած դրամների՝ սկսած մ. թ. ա. III դարից¹⁴։ Դիագեման կամ վարսակալը թագին հավասարազոր նշան էր համարվում. այն հանձնել՝ նշանակում էր հանձնել թագն ու թագավորությունը, իսկ վարսակալ կապել նշանակում էր թագավոր օծվել¹⁵։ Այստեղ տեղին է հիշել Հայաստանում կամ ընդհանրապես Անդրկովկասում հնագիտական պեղումների ժամանակ հայտնաբերված մետաղե զարդարուն և անզարդ ապարոշները (դիագեմաները), որոնց եզրերը ունենում են մանրիկ անցքեր՝ փափուկ հիմքի վրա (կտոր կամ կաշի)

⁸ В. Замаровский, Тайны хеттов, М., 1968, с. 55.

⁹ E. A. Kurgal, The art of the Hittites, fig. 84, 92. В. Г. Ардзинба, Ритуалы и мифы древней Анатолии, М., 1982, с. 49—50, рис. 3, 4.

¹⁰ Նույն տեղում, էջ 55—56:

¹¹ Studi Micenei ed Egeo-Anatolici, Fascicolo XVI, Roma, 1975, Tav. XIII.

¹² E. A. Kurgal, նշվ. աշխ., նկ. 64, 65, В. Г. Ардзинба, նշվ. աշխ., էջ. 53, նկ. 6.

¹³ Г. А. Тирациян, Армянская тиара: опыт культурно-исторической интерпретации («Вестник древней истории», М., 1982, с. 90—93).

¹⁴ Բ. Ն. Առաքելյան, Ավարկներ հին Հայաստանի արվեստի պատմության, Երևան, 1976, տախտ. LXVIII, LXIX:

¹⁵ Զ. Վարդանյան, Հագուստի հին հայ տարազին, Վենետիկ—Ս. Ղազար, 1923, էջ 62—65:

ամրացնելու համար: Դրանք ծոծրակից կապվում են թելերով կամ ժապավեններով: Հայաստանում ուշ բրոնզի վազ շրջանից հայտնի են Լճաշենի, Գեղարոտի և Արթիկի արծաթե ու բրոնզե¹⁶, իսկ մ. թ. ա. VII—VI դարերից՝ Լոռի բերդի¹⁷ ոսկե դիադեմաները: Անդրկովկասում առայժմ հայտնի ամենավաղ օրինակը Կվաջխեղեթից հայտնաբերվածն է (մ. թ. ա. III հազարամյակ)¹⁸:

Միշագետքի մ. թ. ա. II հազարամյակի վերջի և I հազարամյակի սկզբի հուշարձաններում ևս երևում են նմանատիպ թագեր: Դա Աշուրի ջնարակած աղյուսների վրա պատկերված աստծո թագն է (աղ., նկ. 13), որի վերին մասը օժտված է վեց երկարավուն ելուստներով¹⁹: Սա ավելի մոտ է ատամնավոր թագերին, քան փետրավորներին: Ավելի բնորոշ են նույն ժամանակի ասորեստանյան փղոսկրե սանրի վրա փորագրված թագերը՝ հայտնաբերված դարձյալ Աշուրից (աղ., նկ. 14): Այստեղ պաշտամունքային մի տեսարան է՝ աստվածուհու (գուցե Իշարա) և քրմերի մասնակցությամբ, որը, հեղինակի կարծիքով, հավանաբար, կապվում է պտղաբերության և արմավենու ծեսերի հետ²⁰:

Ինչպես տեսանք, Առաջավոր Ասիայում ատամնավոր թագերը գործածվել են տակավին մ. թ. ա. III հազարամյակից, իսկ Հայաստանում այն առաջին անգամ երևում է Լոռի բերդի բեկորի վրա: Հայաստանի ավելի ուշ ժամանակաշրջանի հնագիտական հուշարձաններում նկատվող նմանատիպ թագերը վկայում են, որ դրանք դուրս չեն եկել գործածությունից, այլ փոխանցվել են ավանդաբար: Հատկանշական են Աստղի բլուրից հայտնաբերված բրոնզե գոտու վրայի աղեղնավորների ատամնաձև սաղավարտները (մ. թ. ա. X—IX դարեր) և անհայտ վայրից գտնված քարե ֆալլատիպ արձանի թագը (մ. թ. ա. I հազ. սկիզբ, աղ., նկ. 15): Նույն ժամանակով է թվագրվում Շամիրամից հայտնաբերված քարե խոշոր արձանը, որի գլուխը դարձյալ պսակում է ատամնավոր թագը²¹: Հետաքրքիր են ներքին Դվինից հայտնաբերված քարե երկու արձանների գլուխները²², որոնք թեև ուսումնասիրողները վերագրում են մ. թ. ա. I հազարամյակի վերջերին և մեր թվարկության առաջին դարերին, սակայն, թվում է, որ ավելի վաղ են: Սրանց ատամնավոր թագերը զարմանալիորեն ձևավորված են ճիշտ այնպես, ինչպես վերևում ներկայացված խեթական անագե արձանիկին:

Այս թագերի ու ժապավենների հետագա զարգացումն ու գործածությունը, ինչպես վերը նշվեց, արդեն երևում է արտաշեսյան և արտաշեսյան ժամանակաշրջանների բազմազան հուշարձանների վրա: Քաղաքական ժապավեններ էին կապում հայոց Արշակունի և կիլիկյան թագավորները²³: Ըստ Հացունու, Տիգրան Մեծի թագը կամ ինչպես ընդունված է ասել, «հայկական թագը» սերվել է ոչ թե ժամանակակից օտար արքայական խուլիբերից, այլ Միհր աստծո թագից, որի պաշտամունքը տարածված էր հայոց մեջ, մանավանդ, որ հայ թա-

¹⁶ А. А. Мартиросян, Армения в эпоху бронзы и раннего железа, Ереван, 1964, с. 91, рис. 43-1, Т. С. Хачатрян, Древняя культура Ширака, Ереван, 1975, с. 212, рис. 124.

¹⁷ С. Г. Деведжян, Лори-Берд, II, Ереван, рис. 23а, 23б, 24, 25.

¹⁸ А. И. Джавахишвили, Л. И. Глonti, Урбниси, вып. I, Тбилиси, 1962, табл. XXXVI.

¹⁹ A. Parrot, Nineveh and Babylon, France, 1961, p. 71, fig. 79.

²⁰ Նույն տեղում, նկ. 179а.

²¹ С. А. Есаян, Древняя культура племен северо-восточной Армении, Ереван, 1976, с. 241, табл. 157; Լուսինի՝ Скульптура древней Армении, Ереван, 1980, табл. 55, 4. Արձանը պահվում է Հայաստանի պատմության պետական թանգարանում:

²² Բ. Ն. Առաքելյան, Նշվ. աղյ., աղ. XVII, Կ. Գ. Ղաֆաարյան, Դվին քաղաքը և նրա պեղումները, Երևան, 1985, էջ 113, նկ. 87:

²³ Հ. Մ. Բարթիկյան, Միջայել Իսալիկոսի շենքերայինը և Կիլիկիայի հայոց առաջին թագավորի խնդիրը («Պատմա-քաղաքական հանգե», 1984, № 4, էջ 218):

գավորները միաժամանակ նաև քրմապետեր էին²⁴, ինչ վերաբերում է մեր թագի վրայի եռաթերթ շուշանին կամ լուռոսի ծաղիկին. ապա հինարևելյան շատերկրներում դրանք համարվել են սրբազան ծաղիկներ: Թվում է, որ հատկապես էական է դրանց եռաթերթիկությունը: Օրինակ, հին Հնդկաստանում աճող մի քանի ծառատեսակներ, որոնք եռաթերթիկ տերևներ ունենին, համարվում էին սրբազան (*aegle marmelos*, *butea frondosa* կամ *butea monosperma*): Սրանց փայտից պատրաստում էին զոհասեղան և զանազան հմայիլներ, հատկապես երկարակեցություն հասնելու նպատակով: Դեռևս Ուրի «Թագավորական» հայտնի դամբարաններում (մ. թ. ա. III հազ. կես), որ որոշ ուսումնասիրողներ համարում են քրմական, ոսկե շքեղ գլխազարդերը կազմվել են ծաղիկների ու տերևների նմանակումներից: Հատկանշական է հատկապես Պու-ա-բի անունով քրմուհու կամ թագուհու գլխի հարդարանքը (աղ., նկ. 16). որի զագաթի երեք ելուստների ծայրերին ամրացված են ոսկե ծաղիկներ, իսկ գլուխը պսակում են մի քանի շարք ոսկե եռաթերթիկ և այլ տերևներ ու ծաղիկներ²⁵: Սրբազան ծառը, բույսը շումերների համար կենսական ուժի խորհրդանշել է եղել²⁶: Այս տեսակետից հատկանշական են միջագետքյան որոշ կնիքների վրա պատկերված մարդկային կերպարանքները կամ բույս-աստվածությունները, որոնց մարմնից ու գլխից թփեր են բուսնում²⁷, իսկ հին հնդիկների պատկերացմամբ, երբ մի ծեսի ժամանակ (ռաջասույա) թագավորին սափրում էին ու կտրում մազերը, ապա նա մարմնավորում էր հողը, բույսը, որ նորից պիտի աճի ու բերք տա²⁸: Հստ երևույթին նման մտածելակերպի դրսևորում է մարդկային կերպարանքով թևավոր ոգու թագի վրայի շուշանը (աղ., նկ. 17), որ Դուր-Շարրուքինի (հորսաբադ) VII դարի պալատի քանդակներից²⁹ է և կամ Հայաստանի Վանի թագավորության շրջանի անթև ոգու գլխի հարդարանքը (աղ., նկ. 18)³⁰:

Հայոց մեծ ծաղիկն ու բույսը պտղաբերության ու բարգավաճման խորհրդանշել են եղել: Հայ ազգագրության մեջ, հավանաբար, հազարամյակների խորքից է գալիս այն սովորույթը, երբ սասունցի փեսան կամ սերաստացի Մանճըլըզ գյուղի հարսնացուն իրենց գդակի և խուլրի վրա զետեղում էին երեք բողբոջ (սեղա)³¹, իսկ պատահական չէ, որ հարսն ու փեսան էլ կոչվում էին թագավոր ու թագուհի (աղ., նկ. 19):

Ինչպես տեսանք, Լուրի բերդի իշխանավորի ատամնավոր թագը, ռիազմով կամ թագավորական ժապավենով հանդերձ, համապատասխանում է առաջավորասիական հին թագերի գաղափարին ու ձևերին: Սակայն այս պատկերին պետք է մոտենալ որոշ վերապահությամբ, քանի որ այն իր տեսակի մեջ տալիս է միակն է և հայտնաբերվել է խառը շերտից, թեև փորագրելու տեխնիկան բնորոշ էր այդ ժամանակաշրջանում ինչպես Հայաստանի, այնպես էլ Վրաստանի արվեստի հուշարձանների համար³²: Իշխանավորի պատկերը արժեքավորվում է հատկապես բեկորի վաղ բնույթի շնորհիվ, քանի որ մինչև այժմ մ. թ. ա. II հազարամյակի 1-ին կեսին պատկանող փաստական որևէ նյութ

²⁴ Հ. Վարդանյան, *Հայաստանի նշվ. աշխ.*, էջ 69:

²⁵ M. E. L. Mallowan, *Early Mesopotamia and Iran*, London, 1965, p. 95, fig. 106.

²⁶ E. B. Антонова, *Очерки культуры, древних земледельцев Передней и Средней Азии*, М., 1984, с. 116.

²⁷ A. Parrot, *Mari capitale fabuleuse*, Payot, Paris, 1974, p. 91, fig. 47.

²⁸ B. Г. Ардзинба, *նշվ. աշխ.*, էջ 119:

²⁹ A. Parrot, *Nineveh and Babylon*, p. 70, fig. 77.

³⁰ Seyyare Elchler, *Götter. Genien und Mischwesen in der Urartäischen Kunst*, Berlin, 1984, S. 41, S. 5., Tafel 14.

³¹ Ը. Պատրիկ, *Հայկական տարազ, Երևան, 1983, տախտ. 43, նկ. 3, տախտ. 58:*

³² Э. М. Гогадзе, *Периодизация и генезис курганной культуры Триалети*, Тбилиси, 1972, табл. 29.

կամ տեղեկություն չկա՝ հաստատելու Հայաստանի հյուսիսային գավառներում և ընդհանրապես Հայաստանում Թագակիր իշխանի կամ Թագավորի գոյության փաստը: Չնայած մ. թ. ա. II հազարամյակի սկզբներից Հայկական լեռնաշխարհի հյուսիսային մասերում կատարված սոցիալ-տնտեսական և մշակութային հսկայական տեղաշարժերը, հարստության կուտակումն ու հասարակության շերտավորումը կայուն հիմք էին ստեղծել քաղաքական միավորումների առաջացման համար, մանավանդ, որ հարևան երկրներում դրանք արդեն գոյացել էին, և Հայաստանի հետ դրանց կապը բավական սերտ էր: Այդ են վկայում բարձրաստիճան անհատների համար կառուցված Թոռեղքի, Կիրովականի, Լճաշենի ու լոռի բերդի հսկայածավալ դամբարանները՝ ճարտարապետական բարդ հորինվածքով: Ննջեցյալների աճյունի հետ դամբարան են իջեցվել նրանց օգտագործած իրերը՝ ոսկե և արծաթե զեղարվեստորեն զարդարված սպասքը, շքեղ հագուստն ու թանկարժեք զարդերը, հմտորեն զարդարված գունազարդ և սև փայլեցրած խեցեղենը, զենքերը՝ կառքերով ու զոհված կենդանիներով հանդերձ:

Այսպիսով, բեկորի վրա պատկերված է իշխանավորի, ավելի ճիշտ Թագավորի գլուխ, որը հիմք է տալիս խոսելու մ. թ. ա. II հազարամյակի 1-ին կեսին հյուսիսային Հայաստանում գոյություն ունեցող քաղաքական միավորումների մասին: Նրա թագը ոչ միայն աղերսվում է հինարևելյան իշխանավորների թագերին ու խույրերին, այլև սերտորեն կապվում մեզ քաջ ծանոթ հայկական թագին, մատնանշելով նրա ծագման բուն ակունքները:

ИЗОБРАЖЕНИЕ ВЕНЦЕНОСНОГО ВЛАСТИТЕЛЯ ИЗ ПОСЕЛЕНИЯ ЛОРИ-БЕРД ЭПОХИ БРОНЗЫ

СЕДА ДЕВЕДЖЯН

Резюме

В поселении Лори-Берд эпохи бронзы (близ г. Степанаван) был обнаружен небольшой фрагмент среднебронзовой керамики, на котором выгравировано профильное изображение головы человека, увенчанной короной с шестью острыми зубцами, сверху помещен трилистник. Охватывающая лоб лента завязана на затылке и спускается до заштрихованной шеи. Бесспорно, что на фрагменте изображено высокопоставленное лицо—военный предводитель, князь или же верховный жрец. В пользу последнего свидетельствует особенно трилистник или цветок лотоса, который является характерным атрибутом жреческого сословия. При этом, разумеется, не исключено, что изображенный занимал высокое общественное положение и обладал светской властью.

Приблизительно сходные венцы и головные уборы встречаются в памятниках искусства III—I тыс. до н. э.—на изображениях древневосточных царей, божеств, духов, военачальников, представителей жречества. Корона на керамическом фрагменте из Лори-Берда увязывается как с коронами на каменных статуях Армении начала I тыс. до н. э., так и с коронами Ахеменидов и Арташесидов.

Находка говорит о существовании в первой половине II тыс. до н. э. на севере Армении политических образований (для которых имелись достаточные социально-экономические предпосылки) и одновременно указывает на истоки иконографии армянской тиары.